



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 59. Errores Ecardi Dominicani.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

fem. Una omnes voce cum Universita-
 te Parisiensi declarabant Joannem XXII
 a Michaële Cæsenate cæterisque schis-
 maticis perperam ac impie accusari; fo-
 lum esse Papam verum; & Michaëli
 merito abrogasse munus. Deinde ut
 calumniis, quas adhibuisset forsân, oc-
 currerent, ipsi eum movebant gradu, ei-
 que sufficiebant Fratrem Geraldum O-
 donem, Doctorem Parisinum, ex pro-
 vincia Aquitanica, natum Castri Rodul-
 phi in Bituricensi agro, Papæ cognitum
 & charum. His in comitiis finiebant
 quæstionem de paupertate Christi, de-
 cretalem Nicolai III, ac decisionem co-
 mitiorum Perusensium cum sanctionibus
 Joannis XXII conciliantes. Sic Ordini
 Minorum reddita est tranquillitas.

Sæcul. XIV.
 A.C. 1329.

Id. Script.
 p. 145.

§. LIX.

Errores Ecardi Dominicani.

Modicum abhinc tempus Papa errores
 Ecardi celeberrimi Doctoris Colonien-
 sis ex Ordine Prædicatorum damnave-
 rat: ut indicat in litteris, ubi ait: Per
 inquisitionem in eum factam ex autho-
 ritate Henrici Colonensis Archiepiscopi,
 & in Romana curia iteratam liquido vi-
 demus hunc Doctorem ex sua ipsius
 confes-

Rayn. 1329.
 n. 70. 71.

- Sæcul. XIV.** confessione docuisse viva voce ac scripto
A. C. 1329. 26 puncta sequentia: Deus creavit mundum, ut primum ipse fuit: concedique potest mundum fuisse ab omni retro æternitate. In opere quovis, etiam malo æqualiter elucet gloria Dei. Qui vituperat aliquem, laudat Deum per ipsum peccatum suum: & impiis contra se verbis, laudatur Deus. Ac postea: Transformantur in Deum penitus, sicut pronuncjata divinæ consecrationis formula panis convertitur in corpus Christi. Quidquid Deus Pater dedit Filio suo humana in natura, etiam mihi dedit: nec conjunctionem, nec sanctitatem excipio. Quæ codex sacer de Christo dicit, inveniuntur omnia in quovis homine probo & divino. Quæcunque naturæ divinæ sunt propria, conveniunt homini posito in gratia Dei: facit ille cuncta, quæ Deus facit: cum Deo creavit cælum ac terram, & Verbum æternum genuit: nec facere quidquam Deus sine tali homine posset. Homo pius debet voluntatem suam ad divinam profus conformare: & quia Deus quodammodo vult peccatum, nollem non peccasse: ita comparata est vera poenitentia.
- 10. 11. 12. 13.** Deus sic est unus, ut nulla in eo detur distinctio ne Personarum quidem. Universalæ res creatæ sunt merum nihilum.
- 14.**
- 23. 24. 26.**
- Puncta

Puncta reliqua ad ista recidunt. Papa con-
demnat omnia, licet aliqua per explica-
tiones ac supplementa possint recipere
sensum catholicum. Dein adjungit: At-
tamen (quod volumus notum fieri) E-
cardus morti proximus hæc viginti sex
puncta, & generatim omnia, quæ scri-
psisset, docuissetque forsan fidei contra-
rium sensum habentia, recantavit, sua
scripta dictaque omnia Supremæ Sedis
authoritati subjiciens: ut patet ex litte-
ris publicis hac de re confectis. Dabat
27 Mart. 1329.

Ecardi paradoxa tantæ offensionis
speciem præbentia non obstabant, quin
magna esset in existimatione: ut appa-
ret ex scriptis Joannis Tauleri, qui eun-
dem professus Ordinem, & inter Theolo-
gos mysticos clarus eodem seculo medio
vivebat. Ecardum vocat insignem Theo-
logum, & monita ejus apprime spiritua-
lia refert. Quapropter hujus paradoxa
nimis subtilitatibus scholasticis, mystico-
rumque Theologorum immoderatis elo-
quendi rationibus adscribi queunt. Nam
in iis, quæ de nostri transformatione in
Deum, ac de conformatione animi ad vo-
luntatem divinam asserit, prope accedit
ad subdolas artes Begardorum sui tem-
poris, & Quietistarum nostri seculi.

Taul. conviv.